



ЎЗБЕКИСТОН РЕСПУБЛИКАСИ МАДАНИЯТ ВАЗИРИНИНГ БУЙРУҒИ

Тошкент ш.

№ 183

«29» 04 2021 й

Ўзбекистон Республикаси Маданият вазирлиги тасарруфидаги болалар мусиқа ва санъат мактаблари, ихтисослаштирилган санъат ва маданият мактаблари, мактаб-интернатлари ҳамда Карим Зарипов номидаги Республика эстрада ва цирк коллежи, Республика мусиқа ва санъат коллежларининг иккинчи малака тоифасига талабгор педагог кадрларни аттестациядан ўтказиш тўғрисида

Ўзбекистон Республикаси Вазирлар Маҳкамасининг “Мактабгача, умумий ўрта, ўрта махсус, касб-хунар ва мактабдан ташқари давлат таълим муассасалари педагог кадрларини аттестациядан ўтказиш тартиби тўғрисидаги низомни тасдиқлаш ҳақида” 2019 йил 13 майдаги 392-сон қарорига мувофиқ Ўзбекистон Республикаси Маданият вазирлиги ҳамда Вазирлар Маҳкамаси ҳузуридаги Таълим сифатини назорат қилиш давлат инспекциясининг “Болалар мусиқа ва санъат мактаблари, ихтисослаштирилган санъат ва маданият мактаблари ҳамда мактаб-интернатларининг педагог кадрларини аттестациядан ўтказиш бўйича аттестация комиссиялари таркибини тасдиқлаш тўғрисида” 2021 йил 31 мартдаги 16-ққ, 17 к/қ-сонли қўшма қарорига асосан Маданият вазирлиги тасарруфидаги болалар мусиқа ва санъат мактаблари, ихтисослаштирилган санъат ва маданият мактаблари, мактаб-интернатлари ҳамда Карим Зарипов номидаги Республика эстрада ва цирк коллежи, Республика мусиқа ва санъат коллежларида иккинчи малака тоифасига талабгор педагог кадрлар аттестациясини ўтказиш мақсадида

БУЮРАМАН:

1. Ўзбекистон Республикаси Маданият вазирлиги ҳамда Вазирлар Маҳкамаси ҳузуридаги Таълим сифатини назорат қилиш давлат инспекциясининг “Болалар мусиқа ва санъат мактаблари, ихтисослаштирилган санъат ва маданият мактаблари ҳамда мактаб-интернатларининг педагог кадрларини аттестациядан ўтказиш бўйича аттестация комиссиялари таркибини тасдиқлаш тўғрисида” 2021 йил 31 мартдаги 16-ққ, 17 к/қ-сонли қўшма қарори маълумот ва ижро учун қабул қилинсин.

2. Маданият вазирлиги тасарруфидаги болалар мусиқа ва санъат мактаблари, ихтисослаштирилган санъат ва маданият мактаблари, мактаб-интернатлари ҳамда Карим Зарипов номидаги Республика эстрада ва цирк коллежи, Республика мусиқа ва санъат коллежларининг (бундан буён матнда таълим муассасалари деб юритилади) мутахассислик фанлари бўйича педагог кадрлар ижодий синовларининг топшириқлари 1-иловага, ижодий синовларни ҳудудий ўтказиш графиги ва таълим муассасалари рўйхати 2-иловага, ижодий синовларни ўтказиш бўйича Комиссия таркиби 3-иловага, ўқув фани бўйича малака синовлари ҳамда жисмоний тарбия фани ўқитувчилари учун назарий ва амалий синовларни ўтказиш бўйича Комиссия таркиби 4-иловага мувофиқ тасдиқлансин.

3. Таълим муассасалари ва соҳани методологик таъминлаш бошқармаси (С.Мадиев):

Вазирлар Маҳкамаси ҳузуридаги Таълим сифатини назорат қилиш давлат инспекцияси билан келишган ҳолда иккинчи малака тоифасига даъвогар педагог кадрларнинг аттестациясига пухта тайёргарлик кўриш;

иккинчи малака тоифасига даъвогар педагог кадрлар рўйхатини шакллантириш;

ўқув фани бўйича малака синовлари учун тест саволларини кўп вариантлилиқ шаклида тайёрлаш;

жорий йилнинг 21-22 июнь кунлари Р.Глиэр номидаги республика ихтисослаштирилган мусиқа мактабида ўқув фани бўйича малака синовлари (тест кўринишида) ҳамда жисмоний тарбия фани ўқитувчилари учун назарий ва амалий синовлар ўтказиш;

белгиланган муддатларда жойларда комиссия иштирокида ижодий синовларни одилона ўтказилишини назорат қилиш;

комиссиянинг якуний қарорига асосан тегишли сертификатларни олиш бўйича Таълим сифатини назорат қилиш давлат инспекциясига буюртманома бериш вазифалари юклатилсин.

4. Тасарруфдаги болалар мусиқа ва санъат мактаблари, ихтисослаштирилган санъат ва маданият мактаблари, мактаб-интернатлари ҳамда Карим Зарипов номидаги Республика эстрада ва цирк коллежи, Республика мусиқа ва санъат коллежлари раҳбарларига:

бир ҳафта муддатда Вазирлар Маҳкамасининг 2019 йил 13 майдаги 392-сон қарори билан тасдиқланган “Мактабгача, умумий ўрта, ўрта махсус, касб-хунара ва мактабдан ташқари давлат таълим муассасалари педагог кадрларини аттестациядан ўтказиш тартиби тўғрисида”ги Низом, “Педагог кадрларининг аттестация натижаларини баҳолаш мезонлари” (Адлия вазирлигидан 2019 йил 16 сентябрда 3182 рақам билан рўйхатдан ўтказилган), Маданият вазирлиги ҳамда Вазирлар Маҳкамаси ҳузуридаги Таълим сифатини назорат қилиш давлат инспекциясининг 2021 йил 31 мартдаги 16-ққ, 17 қ/қ-сонли қўшма қарор ҳамда мазкур буйруқ билан аттестациядан ўтувчи ҳар бир педагог кадрларни таништирсин;

таълим муассасаларида белгиланган тартибда эксперт гуруҳлари таркибини тузсин ҳамда талабгор педагог кадрларнинг дарс ўтиш маҳорати ва меҳнат самарадорлигини ҳолисона ўргансин ва тегишли тавсиялар тайёрласин;

жойларда бўлиб ўтадиган аттестация жараёнларида барча талабгор педагог кадрларнинг иштирок этишларини таъминласин;

2021 йил 21 июнь кунига қадар аттестациянинг дарс ўтиш маҳорати ва меҳнат самарадорлиги жараёнлари тўғрисида амалга оширилган чора-тадбирлар юзасидан маълумотларни вазирликка тақдим этсин.

5. Андижон, Навоий, Самарқанд вилоятлари ва Тошкент шаҳар маданият бош бошқармаси бошлиқлари ҳамда Р.Глиэр номидаги республика ихтисослаштирилган мусиқа мактаби раҳбари:

аттестациянинг барча босқичларини юқори даражада ўтказиш учун барча шарт-шароитларни яратсин;

ҳудудлардан ташриф буюрадиган педагог кадрларни кутиб олсин ва уларни аттестация якунидан сўнг ўз яшаш манзилларига кузатсин.

6. Аттестация жараёнларида иштирок этувчи педагог кадрлар ҳамда комиссия аъзоларининг сарф-харажатлари асосий иш жойидан қопланиши белгилаб қўйилсин.

7. Мазкур буйруқ ижросини назорат қилиш вазир ўринбосари О.Мирзаев зиммасига юклансин.

Вазир

О.Назарбеков